



სალიტერატურო და სამეცნიერო ნახატობიანი გაზეთი ბაგოდის ყოველ კვირა დღეს

№ 23

მ ა ი ს ი 26 1896 წ.

№ 23

შინაარსი: განცხადება.—სხვა-და-სხვა ამბები.—დაბა სოფლებს აღწერა: დაბა ბოყ-პრომისლი და მ. სი ახლო-მანდო ადგილებს, სტუმარისა.—სვანეთის მუხევე წყალი, მოაშესი.—სიბრძნე სოლომონისა (ლეგენდა) დ. თომაშვილისა.—ადამიანთა სასიყდელს ისჯორიდან.—წერილმანი.—ამონაკუნესი, ლექსი ი. ეგდოშვილისა.—წესი, მოთხრობა ვ. ბარნოვისა.—ქალაქის გამგეობის განცხადება.—

კ ბ ი ლ ი ს ე ტ ი მ ი

ვ. ი. ტ ი ტ ი ნ ა ძ ე

20 ივნისიდან მიიღებს ავთამეოფებს ახალ სადგომში. ნიკოლოზის ქუჩა, ე. სავინა-შვილის სახლი, № 21, სადაც „ივერიის“ რედაქციაა.

უმალესი მანიფესტი „კეალის“ შემდეგ ნომერში დაიბეჭდება.

სხვა-და-სხვა ამბები.

შოგავგონებთ ჩვენ მკითხველებს, რომ დღეს 26 მაისს არის დანიშნული „წერა-კითხვის გამავრცელებელ საზოგადოების“ სასარგებლოთ ლატარია-ალეგერი, მტუბთადის ბაღში, რომელიც უამინდობის გამო წარსულ კვირას ვერ მოხდა.

* *

ქ. გორი. საშინელი წყალ-დილობა. სახელმწიფო ბალი, გორის ერთთ ერთი სასიამოვნო—გასართობი ადგილი ნახევარზე მეტი მოვლიჯა, საზაფხულო კლუბი წაილა, ზიდს ბურჯი გამოაცალა, რის გამო მასზე ეტლების მიმოსვლა შეჩერებულა ზიდზე გასვლა ხალხისათვისაც კი საშიშია, რის გამო თითო-თითოს ლა უშვებენ.

* *

19 მაისს დასაფლავეს არქიმანდრიტი ამბროსი, მრავალი ხალხის, მთელი გორის სამღვდლოების ლა

არქ. ლეონიდის თანდასწრებით. მიცვალებული რკინის გზის სადგურიდან, წასვენებულ იქმნა და დაკრძალულ გორიჯერის ძველ მონასტერში. გალობდენ თბილისის სასულიერო სემინარიის მოსწავლენი. სიტყვა წარმოთქვა ზ. ედილაშვილმა.

* *

თფილისის მიხეილის სამოქალაქო ფერშლის სასწავლებელში ეგზამენები დასრულდა 11-ს მაისს და წლიური აქტი ჰქონდათ 22-ს. სასწავლებელი დაამთავრა სულ ცამეტმა კმაწვილმა, ამათ შორის შეიღი ქართველია. პირველ ხარისხით დაამთავრეს სწავლა სამმა: ლ. გურგენიძემ, ნ. ხორავამ, და კ. ქელიძემ; მეორე ხარისხით: ი. მასხარაშვილმა, დ. ბ. ურუშაძემ, ა. ბურჭულაძემ და ლ. რამიშვილმა.

დაბა-სოფლების აღწერა.

დაბა ბოჟი პრომისლი და მისი ახლო-მასლო ადგილები.

გვიკბულის სადგურიდან რომ წაბძანდეთ სამხრეთ-აღმოსავლეთით და განვლოთ 7¹/₂ ვერსი, მიხვალთ დაბა ბოჟი პრომისლში, რომელიც შუა გული ალაგია თევზის მრეწველობისა. თუმცა თევზის ჰერა წარმოებს მთელ მდინარე მტკვარზე, მაგრამ უმთავრეს ალაგათ თევზის-მრეწველობისა ითვლება მტკვარი, დაწყებული მდინარე არაქსის შესართავიდან ვიდრე კასპიის ზღვამდე. აი ამ ალაგზე, რომელიც თითქმის ორას ვერსზეა გაჭიმული, მუშაობს აურაცხელი ხალხი. მდინარე მტკვარი არაქსის შესართავიდან შეადგენს სახელმწიფო კუთვნილებას, რომელიც ახლა კერძო პირებზეა გაცემული იჯარით, წინეთ მისი სარგებლობისათვის არაერთარ გადასახადს არ იხდიდენ. იმ ნეტარხსენებულ დროს, როგორც მიახმა ერთმა მოხუცებულმა თათარმა, თევზს ყველა ადგილობრივი მოსახლე თავისუფლათ იჭერდა და მოჭარბებულს იაფ-ფასათ ყიდდა. ახლა კი ეს მხარე სულ სხვა სუფათს წარმოადგენს: ადგილობრივ მკვიდრთა ნაცვლათ აქ გაბატონებულან უცხოელები, რასაკვირველია, კაპიტალის პატრონები, რომლებიც პირველებს ამუშაებენ და მათ შრომის ნაყოფს თვითონ იღებენ ჯიბეში. რა მიზეზს მოუხდენია ასეთი ძირითადი ცვლილება თევზის წარმოებაში? ჩვენი აზრით, ეს ცვლილება მოუხდენია ორ ახლათ დაბადებულ პირობას: ერთი მხრით, მდინარე მტკვარის მისაკუთრებას სახელმწიფოსაგან

ამის გამო დაიჯარადრებას და მეორე მხრით, გზების გახსნას უმთავრესის ბაზრისაკენ. თასი თუმნობით იჯარის გადახდა სად შეუძლია ლატაკ ალაგობრივ მცხოვრებს ან—და როგორ შეიძლებს იგი დაამუშაოს თევზი უმთავრესის ბაზრისათვის ისე, რომ გზაზე არ გაფუჭდეს,—ამისთვის საქირაა დიდი კაპიტალი. აი, სწორეთ ესაა მიზეზი, რომ პირენადელი ლატაკი მწარმოებელი, რომელიც მარტო თავისთვის იჭერდა თევზს და არა ბაზრისათვის უთმობს მოედანს მსხვილ მწარმოებელს ანუ კაპიტალისტს. არსდება აქ ქარხნები ფითოევისა და ისტამანოეთა კამპანიებისა, აგრეთვე ხსნიან ქარხნებს კერძო ფულიანი კაცები, მაგ. ძვეელიშვილი, მაილოვი, პოპოვი, ედერა, ციტოხცევი, ქამაევი და სხვანი. აქ მუშაობს ახლა ფული მილიონობით, ჯერ მარტო ხაზინა ლებულობს მექარხნეთაგან ათ მილიონამდე იჯარას. მარტო ერთი ფითოევის კამპანია იხდის წელიწადში 700,000 მანეთს. ხაზინა ნელ-ნელა უმატებს მტკვარს იჯარას, ამისდა მიხედვით მატულობს რასაკვირველია, თვით ფასი ნაწარმოებისა, ე. ი. თევზ-ხიზილალისა. ერთეულათ ნაყიდი ფუთი ხიზილალა ფასობს 3¹/₂—4⁰/₁₀ მანეთამდე, წინათ კი 3—4 მანეთადაც არ ფასობდა. დოში და ზურგიელი ახლა ფასობს 7—8 მანეთამდე, უწინ კი 2 მანეთადაც არ ფასობდა. იჯარის გარდა თევზ-ხიზილალის ფასი აწია აგრეთვე ბაზრის გახსნამ. სალიანის ხიზილალა-თევზი მომეტებულ ნაწილათ მიდის ასტრახანით შიდა-რუსეთსა და ევროპაში, სადაც ის იყიდება „ასტრახანის ხიზილალა და თევზის“ სახელ-წოდებით. რუსეთის ეაჭრები ძალიან ეტანებაან სალიანის ხიზილალა-თევზს და ორისა და სამის წლით ადრე იკეთენ მთელ ნაწარმოებს მეთევზეთაგან;—ამჟამად, რუსეთსა და ევროპაში დიდი გასავალი ჰქონია კავკასიის ხიზილალა-თევზს. ბაქოდან სალიანამდე კვირაში ორჯელ მიდის გემო, რომელიც მიეზიდება თითქმის მთელ დამუშაებულ თევზ-ხიზილალას ბაქოსკენ, ხოლო აქედან ასტრახანს და მერე დიდ ბაზარზე (სალიანიდან ბოჟი პრომისლამდე 2³/₁₀ ვერსია). უმთავრესი პუნქტები თევზის-ჰერა—დამუშაებისა არის: ჯანგანი, ნიკოლაევიკა, ნორაშენი, ბოჟი-პრომისლი, ბანოკი, კულტუკი, კურინსკაია და სხვ. აქ გაუშენებიათ კაპიტალისტებს ქარხნები და აუარებელ მუშა ხალხს ამუშაებენ. კაპიტალისტთა და მუშათა შორის შემდეგი დამოკიდებულებანი სუფევს: ა) მექარხნე წლიურათ ან თვითურათ ქირობს მეზადურს და სხვა მუშა ხალხს, აძლევს იმათ თავის საკუთარ თევზის დასაჭერ იარაღს; ნაქირავები მუშის ნაწარმოები მთლათ მექარხნის საკუთრებაა; ბ) თავისუფალი მეზადური, რომელსაც შერჩენია საჭერი თევზის იარაღი, თავის ხარჯით

ქირობს მუშებს და დაქვრივ თევზს ჰყიდის მექარხნეზე; გ) მექარხნე აძლევს ფულს მებაღურს თავდაპირველათ, ხოლო უკანასკნელმა უნდა მთელი თავისი დაქვრივი თევზი მიჰყიდოს იმავე მექარხნეს. აშკარათ ჩანს აქედან, რომ თევზის მრეწველობას ბოჟი-პრომისლის მიდამოებში მიუღია კაპიტალისტური ფორმა წარმოებისა. ყველაზე მსხვილ მწარმოებელათ აქ ითვლება ფითოევის კამპანია, რომელსაც უმთავრესი საწკობი თევზისა ჰქონია ამ ოთხი-ხუთის წლის წინეთ ბოჟი-პრომისლში, ხოლო ახლა გაღუტანია ბანოკში, რომელიც ბოჟი-პრომისლიდან ათი ევრის მანძილზეა. აი, რა სურათს წარმოადგენს ბანოკი: მტკვრის კიდვზე არის გაკეთებული სიმაგრე (ПЛОТ) აიენის მსგავსი, სადაც გროვდება თევზი, იშ-გნება, იჭრება, კოდებში მარილდება, ხიზილა კი იდება ცალკე. ცოტა ამაზე მოშორებით დგას ორ-სართულიანი ფიცრული სახლი, სადგამი კამპანის გამგესი. ამ სახლის გარშემო რამდენიმე გძელ-გძელი ქვიტკირის შენობებია გაჭიანურებული—ეს ზე-გამოჭრილი ყაზარმებია; აქ არის მოთავსებული სახელოსნოები კოდებისა, თოკებისა, ჩანგლებისა, ქილობებისა, ბადეებისა; ფარჩეულისა, საწვრილმანოს და სასპელების დუქნები, საავთმყოფო ექიმთა და აფთიქით, მუშათა და მოსამსახურე პირთა სადგამები. როგორც მოთხრეს ფითოევის კამპანიას 3,000 მდე მუშა ხალხი ჰყოლია. დაწყებული გამგედან ვიდრე უკანასკნელ ბადის-გამომტანლამდე ყველას ჯამაგირთან ერთად ეძლევა საქმელი და ბინა. ეროვნობით მოსამსახურე ხალხი ასე განაწილდება: გამგე, მისი თანამეწე, ბუხგალტერი, მისი თანამეწე, ზედამხედველები—სომხები არიან, ამათი შრომა საკმარისათა დაჯილოებული. გამგე იღებს 8,000 მანეთს ჯამაგირს და ამდენსავე ჯილდოს. თევზის მჭრელები, ხიზილალის მკეთებლები თათრები და სომხები არიან, ამათი შრომაც გეარინათ ფასობს. მეკოდები და მეჩანგლეები სულ რუსები არიან, მებაღურები რუსებიც არიან და თათრებიც. პირველები თვიურათ იღებენ 15—18 მანეთამდე, მეორენი 9 მანეთამდე. ზემოთ დასახელებულ ყაზარმულ სახლებში ცხოვრებენ რუსები თავიანთ ცოლ-შვილით. კედელზე მიდგმულია მაღალი საწოლი ტახტები; ზოგიერთ საწოლ ტახტის წინ რუსული აკვანია დაკიდული ჰერზე; ზოგიერთი ბინები დაყოფილია ჩამოუარებელი ზეწრებით; შუა-გულ სახლისა დიდი პლიტა გამართული, სადაც თითოეული ოჯახი ცალკე იხარშავს საქმელს (სანოკავე თითოეულ მუშას ცალკე ეძლევა

დღეში ერთი გირანქა ძროხის ხორცი¹⁾ და სამყოფი პური). რამდენიმე ოჯახის ერთად ცხოვრებას ვიწრო სადგურებში მოდევს, რასაკვირველია, სქესბრივი არეე დარევა და ხშირი ავთმყოფობა, რასაც მართლა ეხედეთ აქ. გარდა ამისა მუშა ხალხი მოკლებულია აგრეთვე სწავლა-განათლებასაც, რომელიც არსებით პურზე არა ნაკლებ მოთხოვნილებას უნდა შეადგენდეს თანამედროვე პირისათვის. ჩვენ ვერ წარმოვიდგენია, ის თუ რა მიზეზით არსებობს ბოჟი-პრომისლში სამრეელო შკოლა, სადაც ოთხი კომლი ცხოვრებს (ბოჟაულო, მღედელი, თევზის პოლიციის უფროსი და ფოშტა-ტელეგრაფის უფროსი), მაშინ როდესაც ბანოკში სამოცი კომლის მოზარდი თაობა უმეცრების მორეეში ცურავს. ნუ თუ არ შეიძლება შკოლის გადატანა ბანოკში, საცა უფრო საჭიროა იგი? სასურველია, რომ ამას მიაქციოს ყურადღება ან სასულიერო მთავრობამ ან თვით ფითოევის კამპანიის გამგემ, უფრო უკანასკნელმა.

ბადის გამომტანები სულ თათრები არიან, რომელთა შრომა ძლიერ მცირეთ ფასობს; უწინ თურმე ამ საქმეს ასრულებდენ რუ'ები, მაგრამ თვიური ოთხი მანეთით ვერ დაკმაყოფილებულიყვენ და თავი დაენებებიათ. ამათი მუშაობა წმინდა პირუტყულია: ხუთი-ექვსი კაცია ბადეში შებმული, დგანან წყალში და ეწევიან ბადეს მხრებით დილით საღამომდე. ასეა სწორეთ მოწყობილი თევზის-ჭერადამუშავება დანარჩენ ქარხნებშიაც.

დასასრულ არ შეგვიძლია არ გაეხსენიოთ ის გარეოება, რომ ბოჟი-პრომისლის მიდამოებში ამ წელს აღმოუჩენიათ ნავთის ნაქონები; ზოგიერთ ფულის პატრონთ კიდევაც აუღიათ იჯარით რამდენიმე ალაგი და იმედია ახლო ხანში აქ გაჩაღდება წარმოება ნავთისა.

სტუმარი.



1) აქ უნდა შევნიშნოთ, რომ ადგილობრაჲ მუშებს—თევზის დამჭერებს—თევზის ჭამა ადგამადული აქვთ; ხოლო რომელიმე დღესასწაულ დღეს, მაგალად დღეობას და შობას გაისხნილებენ თევზით. ამიტომ ძლიერ ნატრული არიან თევზისა, სოწცი კი ძლიერ იაფია აქ.

სვანეთის მუჯავე წყალი.



სვანეთის გუბერნიაში განთქმულია რაჭის მუჯავე წყალი. ყოველ წლობით დიდ-ძალი ხალხი, ავითყოფი და კარგათ მყოფიც, მიემგზავრება იქ და იშვიათია ისეთი კაცი, რომელსაც არ გაეგონოს ამ წყალზე რამე. პირ-იქით ძალიან მცირეა იმათი რიცხვი, რომელმაც იცის სვანეთის მუჯავე წყლის არსებობაზე და კიდევ უფრო ცოტაა, ვინც იქ ყოფილა. ამისთვის ნამეტანი არ იქნება ორიოდ სიტყვა მოგახსენო მკითხველს, იქნება მომავალში მუჯავე წყალი დაჭირდეს და ეს მცირე ცნობები რამედ გამოიყენოს.

მუჯავე წყალი არის ქვემო სვანეთში, ლაშხეთის საზოგადოებაში. მგზავრს შეუძლია ჩაეიდეს იქ ცაგერიდან ორი გზით: ერთი, შემოსავლელია უფრო სწორი, სიგრძით არის, როგორც ამბობენ, 50—54 ვერსი, მეორე კი, უფრო აღმართ-დაღმართი, ასე ვმ ვერსამდე. პირველი გზით მიმავალი მგზავრი, როდესაც შევა ს. საშაშში, უნდა აჰყევს ნაძვანით დაბურულ მთის ფერდოს. მგზავრი მიდის და თან ფიქრობს: გზა დაეკარგე, აქეთ არ უნდა წამოვსულიყავიო. მაგრამ გაივლის თუ არა ერთი ან ორი ვერსის მანძილს, მას თვალწინ ეშლება მინდორი, რომლის ნახევარიც შეადგენს სათიბს და ცალკე გადალობილია, ხოლო მეორე ნახევარში არის მუჯავე წყალი და მომსვლელთათვის სახლები. ამ ალაგს ჰქვია მუაში ან მოაში. პირველათ კაცზე (სანამ არ მივა და არ დაზინავდება) ახდენს საუცხოვო შთაბეჭდილებას. ასეც უნდა იყოს; კაცი დგას და ტყდება შევნიერი ჰავრის სუნთქვით და სხვა-და-სხვა სურათების ცქერით: ერთი მხრით თვალ-უწყვედელი ნაძვის ხეები, რომელიც ფარავს მთელ ჯვარის მთის ფერდოს (ასე ქვია იმ მთას, რომელზედაც მუჯავე წყალია), აქედანვე მოჩანან ახლობელ სერებზე გაჭიმული სოფლები, მათი ხშირ-ხშირი კოშკებით და პატარ-პატარა ეკლესიებით, რომელთა შორის ბევრი შესანიშნავია ძვირფასი ძველი ხატებით და მათზე ხალხის თქმულებით. ამ სერებთან ამაღლებული არიან უფრო მაღალი მთები, რომელთა წვეროებიც აჭრელებულია აქა იქ თოვლით. უმაღლესი წვეროები კი ერთიანთ დაფარულია თოვლით. ბევრ რამე კარგ სურათებს ხედავს კაცი მუაშიდან, მაგრამ მათი სრულებით აწერა ცოტა არ იყოს, ძნელია არა პოეტისთვის და რადგანაც თქვენი უმოჩინოესი უკანასკნელთა რიცხვში არ ურევია, ამისთვის თავს ვანებებ არე-მარის და მისგან მიღებულ შთაბეჭდილებაზე ლაპარაკს, საჭიროა თვით მკითხველმა ნახოს ის არე-მარე და ისი-

ამოენოს იმის მხერით; მაშინ ის, შექველია, ჩვენთან ერთათ იტყვის: ბუნებას ყოველი თავისი ძალ-ღონე უხმარია, რომ მუაში ყოფილიყო პირველ სააგარაკო ალაგათ.

ამბობენ, ამ წყლებზე ხალხი დადის შეიღირება ველიწადიაო. ყველას, ვინც კი ამას გაიგონებს, სრული უფლება აქვს იკითხოს: ამ დროის განმავლობაში გაუკეთებიათ რამე, რომ მუაშეს (ასე ეძახიან იმას, ვინც მუაშეზე მიდის) შეეძლოს იცხოვროს ისე, რომ საქმლის შოვისთვის ძალიან არ შეწყუბდეს; ჰქონდეს ისეთი სახლი, რომ ქარის დროს იმაში მდგომს ქვალი არ დაადგეს და წვიმის დროს ქვემ-საგები არ დაუსველდესო? სამწუხაროთ, ყველა ამას მოკლებულია მოაშე. წახდენით კი, მგონია, ცოტა არ წაუხდენიათ. მაგალითს მოგახსენებთ: წინეთ ის ადგილი, საიდანაც მუჯავე წყალი ამოიწარმება, ყოფილა დაფარული დიდი სიბი ქვით, რომელსაც ჰქონია სიგრძე-სიგანით რამოდენიმე ადლი. ვილაც ვაჭბატონს მეცნიერება მათთვისებია, უფიქრია, თუ ამ ქვას ამ არე-მარეს მოეშორებ უთუოთ წყალი გაუმჯობესდება და ამით მეც პირველ ხარისხის მეცნიერთა შორის მექნება ალაგაო. ამ სურვილით აღჭურვილს მოხელეს თავისი აზრი სისრულეში მოუყვანია. ამისთვის საჭირო იყო მისგან მამასახლისისადმი მიმართული სიტყვები: „ფიცხლავ აასრულე“. ქვა კი „ფიცხლავ“ დაუტეხიათ, მაგრამ მუჯავე წყალი, თუ სრულიათ არა, შესამჩნევათ გაფუჭებულია. ეს მოხდა მისთვის, რომ მუჯავე წყლის ახლო რამდენსამე ალაგას არის წყაროები, რომლებსაც წყალიც თავისუფლათ ერთვის მუჯავე წყალს. ამის წინააღმდეგ არავითარი საშუალება არ მიუღიათ. ბევრი ეხვეწენ მუაშეები. ვისიც ჯერ იყო, სხვა საშუალებას მოკლებული, თხრილი მაინც ამოეღოთ მუჯავე წყლის გვერდით; თხრილში ჩაეიდოდა წყაროს წყალი და ამით ის აცდებოდა მუჯავე წყალს. მაგრამ ამათ: თხოვნა მანამდის არ შეიწყნარეს, სანამდის მანეთს არ დაპირდნენ საჩუქრათ. წარმოიდგინეთ თქვენ იქაური მოხელეების კაცთ-მოყვარეობა, როდესაც იმათ, მანეთის მაგიერ, მოითხოვეს თითო სულზე თითო აბაზი, რაც შეადგენდა რამდენსამე მანეთს, ამ ერთი თუ ორი საათის მუშაობისათვის! მერე ვინ ბძანდებიათ ეგ ვაჭბატონები? ეს ვახლავან ისინი, რომელთაც ჩაბარებული აქვთ მოაში მისი მუჯავე წყლით ღ სახლებით, ეს ვახლავთ ისინი, რომელთა მოვალეობას შეადგენს მუჯავე წყლის არე-მარის, მოაშის ეზოს სუფთათ შენახვა, სახლების სასურავის შეკეთება და სხვა; მაგრამ არაფერს ამას ეს მოხელეები არ აკეთებენ, თავიანთ ჯამაგირს კი ყოველთვის დროზე იღებენ. მოაში, უფრო ბოსქეს ჰგავს. ამ მოხელეებს ჰქვია

მცველები, ან, როგორც იქ ეძახიან, „ტკაჩოები“. კარგი მცველებია!! ეზოს სისუფთავეს თავი დაეანებოთ, ეკითხვით როგორია სახლები? მოაწმინდეთ არის სულ ოთხი ოთხი, რომლებსაც აქვთ ფიცრის პოლი. კედლები კი აშენებულია მრგვალი ქვებისაგან, მაგრამ ისე კარგათ, რომ იმათ შუა პატარა ჩიტი თავისუფლათ გაძვრება. თუ ამას ისიც დაუმატებთ, რომ სახურავიც ასე შეენიერათ არის ნაკეთები, მაშინ მკითხველი ადვილათ წარმოიდგენს, რა მდგომარეობაშია ცქნება მყავე წყალზე მყოფი ადრის დროს. ამ ოთხ ოთხში ყველა ხომ არ დაეტევა! იქ დადგება ის, ვინც სხვაზე ადრე მივა. დანარჩენების მდგომარეობა უფრო გაქირვებულია, რადგანაც მათ უნდა იცხოვრონ ქოხებში. მკითხველო, არ აჩქარდეთ; არ იფიქროთ, რომ ვე ქოხები მაინც გაკეთებული დახვედით მოსულვდნ. არ მოგეცეს სიამე! აბა რა ჭკუაა, გააკეთონ და მერე, შეიძლება, შიგ მდგომარეობა არ იქნეს! მიდინართ, ბინას თხოველობთ, მოვახსენებენ, მოითმინე, ჩქარა გაკეთდებაო. თქვენ გიკვირთ და კითხვობთ, რაშია საქმე; როდესაც გაიგებთ, უნდა დამოაჩილოთ ბედს: დაბრძანდით ხეს ქვეშ და უცადეთ სანამდის თქვენი ბინა გაკეთდებოდეს. ვინცირბაა, საღამოს მოგიხდათ იქ მისელა, ნურას უკაცრავათ, იმავე ხის ძირას უნდა მოისვენოთ ღამითაც. ბინას ამ ნაირათ აკეთებენ: მოაქვთ წყნელო, ღობენ ოთხ კედელს (კიდევ კარგი, წელს არც ეს იყო საღობავი, რადგანაც შარშანდელი ქოხების ძველი კედლები კიდევ იდგნ) ზევიდან დაადებენ რამდენიმე ქოკს, შემდეგ კედლებს და ქოკებს დაჭარბენ ნაძვის პატარა შტოებით. შიგ, შეიძლება, დაადონ ორი ფიცარი—აი თქვენი საწოლი, თან შეაკარებენ ჯირკს—აი თქვენი სკამი. მორჩა და გათავდა. დაბინადით ასეთ სადგომში, შეუღლებით ხარჯის შოვას, აქაც გაკვირვებული რჩებით. სვანმა არაფრის გაყიდვა არ იცის. ეკითხვით, რა ღირს შენი საქონელი?—მე რა ვიცი, თქვენ უკეთ არ უნდა იცოდეთ, ვიპასუხებთ ის,—არა, შენი საქონელი შენ უნდა დააფასო, ეუბნებით თქვენ.—რაც გენებოს, ის მიბოძეთ, გესმით პასუხათ. თქვენ იძულებული ხართ, სხვისი საქონელი დააფასოთ. სვანი, გაიგებს რა თქვენგან ფასს, უმატებს თან-და-თან, სანამდის ან თქვენ არ დაანებებთ თავს და ან მის გულმოსაჯვრებელ ფასს არ მისცემთ. რაც უნდა ძვირათ გაყიდოს სვანმა, ის მაინც ფიქრობს: უთუოთ მომატუყილეს, ჩემი საქონელი მეტი ღირდა, თუ არა, რათ იყიდენ ასეო. სწორეთ ეს არის მიზეზი, რომ, თუ თქვენ ნაყიდი გარიგებისათნავე არ წაიღეთ, გამყიდველი შემდეგ კიდევ რამეს მოუმატებს. სვანმა საღამოს გაყიდა პატარა ხბო

სამ მანეთათ, მეორე დილას კი, წამოყვანის დროს, მოითხოვა ხუთი მანეთი. ბოთლი რძე ღირს შაური; შეიძლება, დიდი დამადლებით, იშოვოთ ხუთ შაურათ. მუაშის მოხელეებმა ყველაფერი ეს კარგათ იციან, მაგრამ ვერაფერი ვერ მოუხერხებიათ, ან არ უფიქრიათ, რომ გაუადვილონ ცხოვრება იქ მყოფ მოაგარაკეთ. მართალია, წელს იქ ამოვიდა ერთი მელუქენი, მაგრამ იმაზე ითქმის: გინდ მგელს შეუტამინარ, გინდ მგლის ფერს ძაღლსაო. მოკლებული ყოველგვარ ზედამხედველობას, ეს მელუქენი საღებდა პურს და ხორცს იმ ფასათ, როგორსაც მოისურვებდა (მ გირვან. პურს—20 კაპ.,—ხორცს მ0—მ5 კაპ.). ფასზე კიდევ არა ითქმის—რა, რაუყოთ, როგორც გიჭირდეს, ისე გიღირდესო, ნათქვამია; მაგრამ საქმე ისაა, რომ პური თითქმის ცოში იყო, რა არის, უფრო ბევრი აიწონოსო. ამოვიდა ერთხელ ბოქაულო, შეჭიჩილეს იმას ასეა საქმეო. ბოქაულმა უბრძანა: მეორეთ არ გაბედო, თვარა ოქმს შეგიყენებო. ბოქაული მეორე დღეს წაიდა, მებურემ კი თავი აიშვა, თქვა მეორათაც გაებედე და მესამეთაცო და განაგრძო ცოში პურის გასაღება. ასეთი ცხოვრება აქვს მყავე წყალზე მყოფს სვანეთში: თუ იშოვა საქმელი, უსათუოთ ცოში პურია, თუ არა და სულ არაფერი არ იქნება. ცხენებს მთაზე გზენიან; პატრონი ფაქრობს, ისინი მაინც დასუქდებიანო. წარმოიდგინეთ თქვენ მოაშეს განციფრება, როდესაც ის ერთ დღეს ხედავს თავის ქოხის წინ ცხენებს, ისე გამზრებს, რომ ჰგონია ერთი თვე არაფერი უქამათო. ეს კიდევ ცოტაა, ცხენებს ზურგზე ტყავი არ აქვთ. პატრონი გაიგებს, რომ მისი ცხენები იყვენ იმ მთაზე, რომელზედაც გადადის გზა სვანეთიდან ლეჩხუმში, იქ ისინი დაუქრიათ, წაუყვანიათ, უმუშავებიათ ღამე დაბრუნებულან დასაპალნებულნი და, რადგანაც ისევ მთაზე გარეკა დაზარებიათ, დაუტოვებიათ მუაშში. ამას შემდეგ მოაშეს რჩება ერთი საშუალება: აიბარგოს და დაბრუნდეს უკან, ასეც იქცევა. მონხმობს „ტკაჩოებს“ ანგარიშის ჩასაბარებლათ. თუმცა—ლა კარგათ იცის, რაც უნდა გადაიხადოს, მაგრამ მაინც ეკითხება: რა გერგებათ? ისინი უპასუხებენ: ამდენი და ამდენიო. ეს „ამდენი“ უსათუოთ რამდენიმე მანეთით მეტია იმაზე, რაც იმათ ერგებათ. მოაშე ეუბნება: მე ვიღებე ამდენი დღე, დღეში იღებთ ათ შაურს სახლის ქირას, ცხენების საბალახოთ გერგება ეს, რაც სულ შეადგენს ამდენს. ამის პასუხათ ვაისმის ისეთი ლანძღვა-გინება და ყვირილი, რომ მთელი იქაური საზოგადოება თავს იყრის ამბის გასაგებათ. ამ ლანძღვით და ყვირილით მოხელეები თხოულობენ თითო ცხენზე მანეთს, თუმცა გარიგებული იყავით ათ შაურათ, თუ ერთხელ ან

ორჯელ რკინის წყალში ¹⁾ იზანვეთ, ეს საკმარისია, რომ გიანგარიშონ დღეში ორი ბანაობა და თითო ბანაობისთვის ორ-ორი შაური თქვენ გინდათ განთავისუფლდეთ ლანძღვა-გინებისაგან და თხოულობთ იმ წიგნს, რომელიც მოგიტანეს მისეღლისთანავე და რომელშიაც ჩაწერეთ, როდის მისულხართ და აგრეთვე ის, რომ გადასახალი დღე და ღამე არის ათი შაური. ამასთან გამოგიცხადეს, რომ ამ ათი შაურის გარდა არაფერი გადაგხდებოდა არც რკინის წყალში ბანაობისთვის, არც შემისთვის და სხვა. აი, ამ წიგნს თხოულობთ, გინდათ ჩაწეროთ მაინც შიგ რამდენსაც გახდევინებენ, მაგრამ ეინა თქვენი კანონიერი თხოვნის აღმსრულებელი? გნებავთ თუ არა გადინხდეთ, რაც გითხრეს, თორემ წასელოს ვერ ეღირსებით ამ თვეშიო, — გვისმით. დარჩენას, თქვენ ამჯობინებთ, რასაკვირველია, რამდენიმე მანეთი მეტი მისცეთ და მოშორდეთ მუაშის მოხელეების შარებს.

მოაშე.

სიბრძნე სილომონისა.

(ლევენა)

I

ზის ტასტზე ზორფიერ-მოსილი,
 ათ-გვარ საკრავზე მღვრალი
 დავით, ქებათა, ფსალმუნთა
 ღვთიე-შეენიერთა მწერალი,
 მამა სოლომონ დიდისა,
 ზეგარდმო მადლით ცსებული,
 თავის დიდებით, სიჭკელით
 შეფეთა შორის ქებული.
 ღმერთს მისთვის მიუგებინა
 მადლი წინასწარ-ცნობისა,
 მისნი ნათქვამნი წინ-და-წინ,
 ამღვლეებენი გრძნობისა...

1) მუკე წელიდან ორ ვერსზე მოშორებით არის რკინის წყალი, სადაც პატარა ჯარჯვალა (ქობი) და შიგ ვითომ ვანა. ასლო-მასლო სოფლებიდან დიდ-მელი სალხი მიდის რკინის წყალზე საბანაოთ, მაგრამ ცარცვა-გლეჯა ადვირ-წახდილ მოსლეებისაგან ბუკნს არ ამღევს ნებას თავის სურვილი შესრულს.

სასწორ-სიმატლით განჯებს
 ხალხს, ღვთისაგან წმეულს;
 მოყვარეს სვდებს მოყვრულთ,
 მტკეს დენის ღვთისგან წეულს.
 მის ხალხში სუფევს თანხმობა
 და სიყვარული მმურია;
 მკითხთ ვინმეა ჩაგრული,
 დიდი თუ უსუსურია.
 ობოლს, ქვრივ-ოსკრს, დიდებულს,
 სამართალს უჩენს ეგელსა;
 მწესის ფარას, ღვთისგან წმეუნებულს,
 არ ატანს მგელსა, მელსა...
 ჭა, ხალხც მოდის იმასთან
 ვიღაც სამართალსედა;
 მოდის თავ-დახრით, მდაბლათა,
 ქუდი არ სურავს თავსედა.
 რადაც სევდა ემხნევა
 მას ჩაფიქრებულს სასეში;
 ეტყობა სევდა დიდი აქვს
 ცრემლი უგოჩავს თვალებში.
 თაყვანისცა მან მიწამდის
 დიდებულს შეფეს მდაბლათა.
 ფესზე წამოღვა დავითი
 და ასე უთხრა მწერალათა:
 — არ იცო, რომ მეტ კაცი ვარ?
 თაყვანს რათ მტემ ვით ღმერთსაო?
 არ იცო — თაყვანის ცემს
 შეენის მარტო იმ ერთსაო!?
 და შემდეგ ტუბილის დიმილით
 და მამობრავის ზრუნვითა,
 მან მოსმინა მის თსოვნა,
 აღსაყვ დიდის ჭმუნვითა.

II

შენი სვიანის სვიპტრის ქვეშ
 ვიყავი ბედნიერია,
 მამისგან დანატოვარია
 მქონდა სიმიდრე ბუკრია.
 ტუბებოდენ ჩემი წყალბობით
 ჩემნი მოურავ — ემანია;
 ისინი ისე მიყვარდა,
 როგორც უმცროსნი მამანა.
 დედ-მამა არ მყავს, ძლივს მასხვს

მე ნანა მათი ტკბილია;
 მეუღლა მეუღლე მისი დარი,
 და ერთი ვაჟი-შვილია.
 როცა, მეფეთა მეფეთა,
 ჩვენ მტერი შემოგვესია,
 შვილითურთ ბრძოლის ველს გაველა,
 მეც შეგასრულე წესია.
 მე ცოლი ჩემი, ქონება
 სულ ჩაგაბარე მოურავს,
 ზირსა სანდოსა, რომლისგან
 არ მოველოდი სულაც ავს.
 ვუთხარ: გაბარებ ჩემს ცოლსა
 და მასთან სულ ჩემ ქონებას
 და იმედი მაქვს ცუდს არ იქმ,
 არ დაიბნელებ გონებას...
 მან ფიცი მომცა, ახსენა
 სასული დეთის მადლისა
 და მეც თამამთ წავედი,
 გამგონებელი ამისა.
 მივედით მტრის წინ, ვადინეთ
 ჩვენ მათი სისხლის ღვარები;
 გავუღიბეთ მტერი, შეემუსრეთ,
 ამოწულა მათი გვარები!
 ვაჟ-გატობითა განითქვა
 იმ დღეს ისრავით სასული,
 ჭკვირობდა მის ვაჟ-გატობას
 მტერი, ამისი მინსველი.
 იქ შეიღმა ჩემმა მტრის წინა
 თავი შეწირა მამულსა,
 ეს არ აკენესებს, — ახარებს
 ვიდრე დახარულს ჩემ გულსა,
 მტერი იღია, ჩვენ დაუჩიოთ
 იმთოვე გამარჯვებული;
 დაგებუნდით ძველა-მოსილნი,
 დაგებუნდით გასარებული.
 შენის მეფობის მტრმაცა
 ნუ ნახოს ის სანასავი,
 სასლში რომ მოველ ბრძოლიდან,
 რაც მე დამისჯდა ამბავი!
 ზირველ გავიგე — მოურავს
 დაქსრხო ჩემი ცოლია;
 დღეს იმის გულსე მუხლამდის
 ამოხულია მოღია...

სასლში აღარეინ შემისჯა:
 ვინ მოგცა შენ სასლ-გარო?
 სასლ-გარი, ესო, ქონება,
 სულ მოურავის არიო!
 მოწმეთაც ვერც მიშველეს, —
 შესუიდეულ იყვენ ფულითა;
 მოურავისკენ ამბობდენ
 მის მადლიერნი გულითა.
 ფიცი გატეხა ურჯულემ,
 და მიღალატა მწართა;
 ჰანდურისა და წისლეუბის
 ტემით გამაგლო გარეთა.
 აწ შენ წინაშე მოვედი,
 ვარ მომლოდინე სამართლის,
 ვიცი შე, დიდო მეფო,
 არ გსურს დანაგვარ შენ მართლის. —
 რა მოსმინა ამბავი,
 შეწულა მეფე ამითი;
 ფიქრობს, რა უფოს ამ საქმეს
 და ვერას შეკლის დავითი.


დ. თომასვილი.

(დასასრული იქნება)

ადამიანთა სასჯელის ისტორიიდან.



ინანდელ დროში, ადამიანთა ცხოვრება პირუტყველ მდგომარეობაში იმყოფებოდა, ადამიანის ცხოვრება არაურათ არ ფასობდა ან და თუ ფასობდა, მისი ფასი არ აღემატებოდა უბრალო ცხოველის ანუ პირუტყვის ფასს. ამის დასამტკიცებელ საბუთს ახლაც საკმარისათ ეხედეთ ჩვენ აზიის, ამერიკის და ავსტრალიის ევლური ხალხში. იქ ადამიანის მოკვლას სულ უბრალო მიზეზიც კი გამოაწვევს, და ეს არავის არ აღელვებს და აშფოთებს, როგორც მაგალ., ჩვენ დროის განათლებულ ხალხში. ეს მოვლენა, რასაკვირველია, ადელი ასახსნელია, თუ ევლური კაცის შეხედულებას მივიღებთ სახეში: ევლური არავითარ განსხვავებას არ ხედავს თავისსა და ცხოველებთა შორის, რომლებთანაც მას ხედება ხშირათ შეტაკება საზრდოს მოპოვების დროს. ამითვე აიხსნება ჩვენ დრომდის ევლური ხალხებში არსებული კანნიბალიზმი, კაცის მჭამლობა.



ადამიანთა საჯაროს ისტორიიდან.

თუ ამ ევლურ ხალხიდან გადავალთ იქ, სადაც ადამიანთა ცხოვრება განვითარების გზაზე დამდგარა და უმაღლეს ხარისხამდის მიუზწყევია, აი, რა ძირითად ცვლილებას აღმოვაჩინებთ. რამდენათ თანდათან განვითარებულა ადამიანთა საზოგადოებრივი ცხოვრება, იმდენათ ამაღლებულა ფასი თვით ადამიანისა. მაგრამ ეს წინადადება თხოულობს განმარტებას. თუ საზოგადოების ძლიერა - მოსილ ნაწილის შემადგენელ წევრთა ფასი და ღირსება ამაღლებულა იქამდის, რომ მათი ზეციერი წარმოდგომაკი მიუჩნევიათ, მეორე მხრით, ამავე საზოგადოების მეორე ნაწილი ისევე მდაბალ, პირუტყველ არსებათ დარჩენილა. ეს ითქმის უმეტესათ ღამნაშაგებზე, რომლებიც ისტორიის ყველა საფეხურზე თავის რაოდენობითაც შესამჩნევ ნაწილს წარმოადგენდნენ. დამნაშავეთა ისტორია მკიდრით არის შეკავშირებული მთელი კაცობრიობის ისტორიასთან და იგი ჩვენ წარმოგვიდგენს ერთ და იმავე დროს დაუსრულებელ და სულის და გულის შემაშფოთებელ მოთხრობას იმათ ტანჯვა-ვაებისას და სასჯელისას. როცა თვალს გადავავლებს ადამიანი ამ დაუსრულებელი ტანჯვა-ვაების ისტორიას, ის ძალა-უნებურათ მიეცა იმ დასკვნამდის, რომ რამდენათ კაცობრიობას განუვითარებია თავის ნივთიერი, თუ ტუნიკური ძალა, იმდენათ მას უფრო და უფრო განუვითარებია სასჯელის იარაღები, ე. ი. რაც დრო მიდიოდა კაცობრიობა სულ უფრო და უფრო სასტიკ და გასაოცარ სასჯელის და სატანჯველის იარაღებს იკონებდა. სასჯელისათვის სასტიკ იარაღების ხმარებით სურდათ, რომ რაც შეიძლება უფრო მწარეთ ეგრობინებიათ დამნაშავეთათვის მათი სასჯელი, რომ მით შემოთებულ და შეშინებულ ადამიანს დანაშაული აღარ ჩაედინა.



ინდოელები ცხოვრებიდან.

ამ მიზნის მიხვევისათვის არაფერს არ ზოგავდნენ, არც ერთი ადამიანის სხეულის ნაწილი არ მოიპოვებოდა, რომ თითოეული მათგანისთვის განსაკუთრებული სასჯელი არ გამოეგონათ. შეუძლებელია ყოველ გვარ სასჯელის და მისი იარაღების აღწერა და აღწერა. თავის და ხსენების სხვადა-სხვა ორგანოების მოჭრა, ადამიანის ცოცხლათ მიწაში დაფე-

ლა, ცეცხლში დაწვა, ჯვარზე გაკერა სხვა-და-სხვა ნაირათ, სარტებზე ჩამოცმა, დაკიდვა, დარჩობა, გატყავება, შუაზე გახლიჩვა, დაგდება, ათასნაირათ დასახიჩრება, ბნელ სარდაფებში ჩაგდება ბორკილებით სამუდამათ, და სხვა ათას გვარი სასჯელი და სატანჯავი, წარმოგვიდგენს იმას, თუ როგორ შეუბრალელებლათ უთელაფდნენ ადამიანურ პიროვნებას, იმათ ვინც დამნაშავეის სახელს დაიმსახურებდა.

დღეს განათლებული სახელმწიფონი დარწმუნდნენ, რომ ამგვარი სასტიკი და შეუბრალელებელი ზომებით არა თუ თავის მიზანს ვერ ახწევენ, არამედ კიდევ უფრო აფუტებენ საქმეს. ამიტომ თანამედროვე კანონმდებლობიდან განდევნილია ამგვარი სატანჯავი და ზოგიერთ სახელმწიფოებმა სულ მოსპვეს სიკვდილით დასჯა, მაგალ.: შვეიცარია, ნორვეგიამ, დანიამ, ჰოლანდიამ, პორტუგალიამ, ზოგიერთ შვეიცარიის კანტონებმა და აგრეთვე სამხრეთ ამერიკაში უდიდეს და უძლიერეს სახელმწიფოებში სიკვდილით დასჯა დღემდე სუფევს; მაკალითათ, ინგლისში უბრალო ქურდობისათვის სიკვდილით სჯიან. ჩრდილოეთ ამერიკაში ამას წინეთ სულ ახალი სამუალება იხმარეს დასჯისათვის, — ელექტრული ძალით სიკვდილი. ამ საშუალებით პირველათ დასაჯეს ვილაკ კემლერი, რამაც დიდი შემადრწუნებელი შთაბეჭდილება მოახდინა ამერიკის ნერვებ აწილილ საზოგადოებაზე.



წ ვ რ ი ლ მ ა ნ ი.



ალბ. რედაქტორო! ნება გვიბოძეთ თქვენი გაზეთის საშუალებით მიეცეთ პასუხი ბ. ყაფულან ხუნდაძეს, რომელმაც კვალის 21 №-ში გამოაცხადა, ვითომ მე 23 მან. მოამგროვებინოს ირაკლის ფონდისათვის და აქამომდე არ გადამეცეს სადაც ჯერ არს. არ ვიცი ბ. ხუნდაძემ როდის მიეცო კანტაროლი იმისი, თუ რამდენი ფული მოეგროვე. მართალია იმან გადმოამცა ერთი მანეთი და მოსვენებას არ მძღლედა ჩქარა გამოაცხადე ჩემი სახელითა და მე თუ აქამდის არ გამომიცხადებია შემოწირულთა სია, ეს იმიტომ, რომ ვიმედოვნებდი მეტი ფული შემეგროვებინა. ამავე დროს კერძო საქმიანების გამო მომიხდა უეცრათ წასვლა თბილისიდან. აი სია შემომწირველთა, თითო მანეთი: ყაფულან ხუნდაძემ, კოტე წითლიყვამა, ლავ. მამალაძემ, დათ. ჯუღუშხაძემ, მარკოზ სანებლიძემ. ათი შაური: ათ. ქავთარაძემ, გ. კლიმიყვამა, გ. ჯობინოვმა, ილ. ყორანაშვილმა, გ. პაპუნაშვილმა, ელ. კარცივაძემ, მ. როსტიაშვილმა, ალ. ფარცნალაძემ. ექვსი შაური: დ. ბათიაშვილმა, სილ. კუჭაიძემ. სულ შედგება 9 მან. 60 კაპ.

მაკოზ სანებლიძე.

აქამდის გვექონდა ირაკლის ფონდის ფული 99 მან. 30 კაპ. ამითი შედგება 108 მან. 90 კაპ.

* *

ქ-ნო რედაქტორო! უმოჩინოვსათ გთხოვთ დაუთმოთ ადგილი ამ მცირე წერილს თქვენ პატივცემულ ჟურნალ „კვალში“. ჩვენ წავიკითხეთ „კვალის“ № 20-ში, ერთი ფრიალ საგულისხმებრო შენიშვნა, რომელიც ეკუთვნის „კვირის სურათების“ ავტორს, ბატონს კვიმატს, რომელიც ეხება ერთ ძველ ანდერძის წიგნს და რომელიც შემთხვევით ჯერ თურმე ბ. ზ. ჭიჭინაძეს ჩავარდნია ხელში და ახლა „კვირის სურათების“ ავტორის საწერ მაგიდის უჯრაში განისვენებს. ხსენებულ ანდერძის წერილის შინაარსი „კვალის“ მკითველებს უკვე მოეხსენებათ და მისი ხელ-ახლათ განმეორება საჭირო აღარ არის. საეჭვოთ მიმაჩნია, რომ ბ. ჭიჭინაძემ, თუ გადასცა ანდერძის წერილი „კვირის სურათების“ ავტორს, სხვა ცნობებიც არ მიეცა იმის შესახებ: თუ ვინ იყო ავტორი იმ ანდერძისა და ან ვინ მისცა ეს ცნობა მას— ე. ი. ბ. ზ. ჭიჭინაძეს. ამ მცირე შენიშვნით მე მსურს გავასწორო ის შეცდომები, რომლებიც ნებსით—თუ უნებლიეთ მოსვლია ბ. კვიმატს. უმოაერესი შეც-

დომა იმაში მდგომარეობს, რომ „კვირის სურათის“ ავტორი ანდერძის წერილის ავტორს უწოდებს ევსევი ციციშვილს მაშინ როდესაც მას ერქვა, ესტატე ციციშვილი, თბილისის მოურავათ წოდებული. აი სწორეთ ამ პირს ეკუთვნის ხსენებული ანდერძის წიგნი, რომლის გარემოება მე თვით უამებ დაწერილებით ბ. ზ. ჭიჭინაძეს და დიდათ გვიკვირს ამ უკანასკნელმა რატომ არ ინება ეს ეამბო „კვირის სურათის“ ავტორისთვის. მართალია, ანდერძის წერილისამებრ, ხსენებული თბილისში მცხოვრებელი დანელა ფითუაშვილი, ვალდებული იყო იმ ასის თუმნისა, რომელიც ესტატე ციციშვილმა გლახათა სასარგებლოთ უანდერძა, მაგრამ სამწუხაროთ ჩვენდა, ის ანდერძის წერილი თან წაიღო ესტატე ციციშვილმა, როდესაც იგი წაჰყვა თავის ბიძას (დედის ძმას) კათალიკოს ანტონ მეორეს რუსეთში, ნიჟნი-ნოვოგოროდში. განსვენებული იქ გარდაიცვალა და ხსენებული ანდერძის წერილიც სხვა მრავალ ნივთებთა შორის დაიკარგა. ესტატე ციციშვილის შემკვილრე დავით ციციშვილი ბეერს ეცადა, რომ ფითუაშვილის ვეჭვილი ენახა, მაგრამ ვერას ვახდა. ალბათ მოსამსახურებმა ესტატე ციციშვილისამ, რადგან კარგათ იცოდენ, რომ ფითუაშვილი მოვალე იყო, ისარგებლეს დროთი და სანამ დავით ესტატეს ძე რუსეთს გადავიდოდა მამის შემკვიდრეობის მისაღებათ, სხვა საცხოვრებელთან ერთათ ის ვეჭვილიც გააქრეს. აი, სწორეთ ასე ვახლდათ საქმე, და ასევე გამოგონია ჩემს ყმაწვილობაში, თვით მამიჩემის დავით ესტატეს ძის ციციშვილისაგან.

იასონ დავითის ქე ციციშვილი.

* *

ბატონო რედაქტორო! ნება მიბოძეთ თქვენი ჟურნალის საშუალებით უგულითადესი მადლობა გამოვუცხადო კნ. მატრონა ბეჟანის ასულს წერეთლისას, რომელმაც გამოუგზავნა ჩვენ ამხანაგობას ოცი თუმანი, მოსკოვის ქართველ მოსწავლეთა ამხანაგობისადმი ნაანდერძევი პატივცემულ თავ. გრაგოლ წერეთლის მიერ.

მოსკოვის ქართველ სტუდენტების მონდობილობით

ს. ჯავახიშვილი.



ა მ ო ნ ა კ ე ნ ე ს ო .

საღამო თქვენდა, აღშფოთებულ სულის ნაშობნო, შავო ფიქრებო, აღსავსენო გესლით და შესაით, საღამო თქვენდა, საღამოს გააღივით, თუმც შუბლ შეკრული,

სამაგიეროთ თქვენც მოდისნო მწარის ფიალით. გულის მქვევანო კვლავ მომნასეთ, კვლავ ჩემთან სახით,

თავს დატრიალებთ ჩემს განწირულ სულის ობლობას

და თუ ვერ ვპოვე ჩემთა ჭიკითა თანამგზონობელი, ნაცვლათ იმისა თქვენ იქნებით ჩემთან ყოველ უსმს. მას საღამოს გიძღვნიო უნებურათ, ჩემო მტარვალნო, და შუბლ-შეკრული ძაღლთ სტუმარით გიწვდით მეც სულს,

მაგრამ ნუ ჩათვლით სიღაჩრეთ და დამაბუნებათ გამწვავებული ჩემი გულის ამონაკენისას.

o. ევლოშვილი.

ნ თ შ ო .

(მოთხრობა *)

X.



ავიდა ხანი. ნუშო შეეჩია ახალ მდგომარეობას, დიასახლისათ იგრძნო თავი, აღარ ეჩოთიებოდა, როცა მოსამსახურეები შედიოდნენ, ქალბატონობით იხსენებდნენ, ოჯახის თაობაზე ჰკითხამდნენ რასმე. კეთილი ხომ მინც ადვილი შესაჩევეია, სიკეთეში ცხაგრება ადვილი მოსახერხებელია, ბატონობას რა დიდი ჭირი უნდა?—კორსაიას სახლი საესე ფილა იყო, ქონება დულდა და გადმოდიდა; იმის მეუღლეს სინაზე და ბძანებლობობობა-ღა ეჭირებოდა. ჯაგუს ჯიბე ნუშოს ნატერის თვალი იყო: რასაც ქალი ისურვებდა, ვაჟაკი მაშინვე გააჩენდა. უყვარდა, ძალიან უყვარდა და უნდოდა თავისი სასურველი ძვირფასი თვალღივით ოქროში ჩატყვა; თანაც უნდოდა გაელაღებია ცოლი, რადგან გრძნობდა, რომ იმისი გული მხურვალე ვერ იყო იმისთვის, მხოლოდ ნელ-თბილი იყო.

— აბა, ჩემო კარგო, მივდივარ და ხომ არას

დამაბარებ, ხომ არა გინდა-რა გამოვიგზავნო? ჰკითხავდა ჯაგუ ცოლს გარიტრაჟზე.

— რა უნდა მინდოდეს? არაფერი არ მინდა, მარტო გუშინ რომ მოსკოვიჩის მალაზიაში მაგიდაზე დასადგმელი მარმარილოს საათი ენახეთ, ის არ დაივიწყო, შენი ჭირიმი!

— კარგი, საყვარელო!

— რა არის, რომ ვერც ადრე დგები? მეც მაღვიძებ...

— არ შეიძლება, საყვარელო! შენ არ იცნობ ხალხს: თუ მე თითონ არ ვადგენე თვალი ყველაფერს, თუ ფეხდაფეხ არ მივყევი ყველას, ერთ დღეზე გააქრობენ ჩემ ვაჭრობას.

— საწყალო ჯაგუ! რამდენს შრომობ! ეტყოდა ქალი და მოხვევდა კისერზე ბუნჩულა მკლავებს.

ჯაგუ დნებოდა ქალის აღერსზე, როგორც სანთელი ცეცხლზე, ამ წუთში მზათ იყო სიცოცხლე შეეწირა იმისთვის.

ქმრის წასვლას შემდეგ ნუშო ჩაჰკეტავდა საწოლის კარს და ტკბილ ძილს მიეცემოდა, ათ-თერთმეტ საათამდინ. მსახურები ფეხ-აკრეფით დადიოდნენ, ქალბატონს ძილი არ დაეუფრთხოთო. მაინც და მაინც საჭიროც არ იყო ქალბატონი შეეწუხებიათ რისთვისმე, რადგან სარისტა წინათვე იყო მიცემული ჯაგუსაგან. მზარეულს წინათვე ეძლეოდა სახარჯო, მარტო კვირისა და კვირის თავზე ანგარიში უნდა წარედგინა. სადილს სამ საათზე შლიდნენ. ხშირათ ჯაგუ შინ არ იყო სადილათ; ვაჭრობაში ერთობოდა, ვერ იცლიდა, თუმცა შინ ახალი სული ეგულებოდა და გული იმისკენა ჰქონდა. ქალი ან მარტო სადილობდა, ან დედა ჰყავდა სადილათ, ან რომელისამე ნაცნობ ქალს მიიწვევდა. ჯაგუ გვიან ათავებდა საქმეს და მაშინვე შინისკენ ეშურებოდა, ცოლის ნახვაზე დღიური ზრუნვა ავიწყდებოდა, გულს ვარდი ეფინებოდა. ნუშომ იცოდა ქმრის მოსვლის დრო; სუფთათ ჩაცმული მიეგებებოდა, გაუღიმებდა, ნათელს მიჰქენდა.

ახლა ჯაგუს ოთხივე ოთახი შეენიერთ იყო სულ ახალი ავეჯით მოწყობილი. ნუშოს დიდ-კაცობაში ენახა ოთახების მოწყობილება, თითონაც იმ ყაიდაზე აწყობდა თავის სადგომს. ერთი ის იყო ცუდი, რომ ჯაგუს სადგომს სასტუმრო დარბაზი არა ჰქონდა; სახლის მეორე ნახევარში მდგომური იღვა და დარბაზი იმას ეჭირა; აქათ მხარეს მარტო მომცრო ოთახები იყო. ჯერ მანამ დიასახლისი ორ-სამ ქალს იწვევდა სადილათ ან ჩაიზე, სასტუმროთ მომზადებული ოთახი ჰყოფნიდა. ქალს უდარბაზობა არ მოწონდა. მართლა და როდემდინ უნდა ყოფილიყო ის ასე შევიწროებული?

*) ის. „კვლეა“ № 21.

— ქა! იქნება ერთი ათიოდე ადამიანი გეინდა მოვიწვიოთ, იქნება მინდა ერთხელ მაინც პატივი ვცე ჩემ ტოლ ქალების ნათესაებებსაც. კნენინა ელი-საბედმა რომ ნახოს დარბაზი არა გვაქვს, ტუქს აგვიკარგეს: გაუნათლებელი არიან, სიმდიდრის მოხმარება არ იციანო,—ფიქრობდა ნუშო. ქმრისთვის კი ჯერ პირ-და პირ არაფერი ვაემყლავნებია, თუმცა ყოველი შემთხვევით სარგებლობდა სასტუმროს ეწრობა ეგრძნობინებია იმისთვის.

თვის ოცი იყო. ჯაგუს მდგმური პოლკოვნიკი გლობაქია ამ დღეს შეგზავნიდა ხოლმე ოთხ თუმანს, რომელსაც იხდიდა ყოველ თვე სადგომში. ეს დღე ამოირჩია ნუშომ თავის სურვილის შესასრულებლათ. წინა დღითვე ტკბილი არშიყობა დაუწყო ქმარს: ისეც სანდომი ნუშო, თუ კი მოისურვებდა, ემხით კაცს გააგვიებდა. ქმარს თავებურ დაახსნა ცოლის ალერსმა. დღით თითონაც ქმართან ერთათ ადგა და თავის ხელით გაუკეთა ჩაი. საღვთათი სადილოა კაბა ქალს ტანზე ეხვეოდა მიხერა-მოხერის დროს და ცხადათ სახადეა ნაპატივებელ სხეულს, მარცხენა მკლავზე მარგალიტებით შემკული და ძეწვე-ჯინჯილებით მორთული ოქროს სამაჯური ეკეთა. ამ სამაჯურს ქალი არასოდეს არ იშორებდა მკლავიდან. ნაწნაე-ბი დაესხნა და ხშირი თმა ბეჭებზე გადაეყარა. ჯაგუ ტრფობით მთერალი წავიდა საქმეზე; დიდინებდა: ეგონა გაათბო ცოლის გული. ქმარი რომ დაბრუნდა, ცოლი ისევ მზიარული დაუხედა, თავს ევლებოდა, უსუფ ვაზივით ეწმანებოდა. ჯაგუ სადილზე იჯდა, როცა შევიდა პოლკოვნიკის მსახური და მიართვა ფული. სახლის პატრონმა მოაწერა ქალად-ზე ხელი და დიასახლისი გადასცა ფული. ნუშო ამას ელოდა. ფული იქით მიავლო, ტუჩები დაიბურცა, პირი შეიბრუნა. შეწუხდა შევეყარებული ქმარი, ჰკითხა ცოლს უსიამოვნების მიზეზი. ქალი ხმას არ იღებდა, იბუტებოდა. თან კი გვერდზე გახედვდა ქმარს: იცოდა, რა ძალიან უხდებოდა გაბუტვა, იცოდა რა სიამეს მიაგებდა ვეჯაკს, როს მიპყუტვით ნისლით გამოუდარებდა მას. ბოლოს შეპბუზღუნა:

— ნეტა ვიცოდე, რით არის ჩვენზე მეტი ე გლობაქია თუ ვცაღც,—სიმდიდრით თუ გვარიშვილობით,—რომ ჩვენ სახლში უკეთესი ოთახები უჭირავს და თვეში რაღაც ოთხ თუმანს იძლევა?!

მდგმური ჯერ ერთი ჯაგუს მუშტარი იყო და გულუხვი მუშტარიც, მეორე ძალიან კარგ ფასს იძლეოდა სადგომში და თანაც ნაღდი კაცი იყო: ქირას არას დროს არ აგვიანებდა. ჯაგუს სახლი კი ჯერ ისეც ბანკში იყო დაგირაგებული: საჯარო ვაჭრობით რომ დინარჩუნა ეს სახლი, ბანკის ვალი თავისზე გადმოიტანა. სახლის ქირა ამ ვალის გადასახადათ

ჰყოფნიდა, პატრონსაც ბინას აძლევდა მამული. ამიტომ ჯაგუს ძალიან ემძიმა მდგმურზე ასეთი ლაპარაკი, მით უფრო ემძიმა, რომ მიხედა ამ საუბრის მიხანს და ისიც იცოდა, რომ უთუოთ აასრულებდა ცოლი სურვილს. მაინც სცადა შეეყენებია საქმე.

— ქალო, განა არა გეყოფნის ჩენნი ოთახები?
— გეყოფნის! გეყოფნის! შენ გინდა მოლოზანივით კარ-ჩაკეტოლში მაცხოვრო! აბა, თუ კაცი ხარ, ერთ ათიოდე სტუმარს მიიღებ...

— ეგ კაცი კარგ ქირას იძლევა, პატიოსანი ოჯახი აქვს, დიდი ხანია ამ ოჯახში ცხოვრებს, ძალიან პატივსა ეცემ და აბა როგორ დავითხოვო სახლიდან?

— მერე ვინ გეუბნება დაითხოვე? ის აქეთ გადმოვიდეს და ჩვენ იქით გადავიდეთ. მკველიანთ კი უნდა ჰქონდეთ ნაქირავებელ სახლში დარბაზი, ჩვენ კი ჩვენ სახლში არა...

— შენ რომ ამბობ, ეგრე არ მოხერხდება: თავს დამცირებულათ ჩათვლის და ეწყინება; ჯობია პირ-და-პირ დავითხოვოთ.

— დამცირებულათაა?! მაშ ჩვენ დასამცირებელი გეყოფილვართ, რომ აქა ეცხოვრებთ... აღარ მინდა აქეთ ცხოვრება, იქით მინდა! ჩენნი სახლა და მინდა! თქვა ქალმა და ქეთინი ამოუშვა.

ცრემლები დილის ნამივით გადმოეკიდენ გძელ წამწმებს, ცრემლებმა დაღარეს ეარდის ფერი ლოყები, ცრემლებმა დაპა-ღუპით დაიწყეს კალთაში დენა, ცრემლებმა... ოო! ეს ცრემლები კაცს დააღბოდენ, კაცს დააღბოდენ, ქვას აატირებდენ. მტარელის გული უნდა დებოდა ჯაგუს მკერდში, რომ არ მორბილებულიყო. განა არა ღირდა ათას სახლათ, მთელ დუნიათ მარტო ის ნეტარება, რომ მხურვალე კოცნით ამოეშრო კაცს ეს ცრემლით საესე თვალები?!

მაგდა რომ დასწრებოდა ამ ლაპარაკს, იქნება ემხილებია როგორმე ქალი, მაგრამ ის იმ დღეს არ იყო იქ. ქალთან მაშინ მივიდა მაგდა სანახავათ, როცა დინახა, მდგმური ბარკს ეზიდებოდა. ეწყინა. სანდო ოჯახი ანებებდა სადგომს თავს.

— ვინ იცის ახლა ვინ დადგება? ქალი მარტოა, გვერდით ამისთანა ოჯახის ყოლა ბურჯივით მიმართა, —გაიფიქრა მაგდამ.

ჯერ სახლში არც კი შესულიყო დედა, როცა ქალი გადაეხვია და ახარა, სადგომს ვიცვლით, ჯაგუმ ჩემი სიტყვით მდგურები დაითხოვა და ახლა მეორე მხარეს ვიცხოვრებთო. დედას არ იამა ეს და უსაყვე-ღურა:

— ჯერ ერთი წელიწადია, რაც ქმრის ხელში

ხარ და ხელს კი უშლი მომგებ ვაჟკაცს! საქმე რო-
 დი უნდა დაუჭარო, შეილო: ვაჭარი კაცისათვის დი-
 დი რამ არის თვეში უკვდავით ოთხი თუმანი, ვა-
 უფთხილდი, შეილო, ოფლით მონაგარს ქარს ნუ
 მისცემ; სიმდიდრემ წყალსავით მალე იცის ამო-
 შრობა.

ნუშო დედის სიტყვებს, ვერ მებნდა, ვერ
 ჩაუყვირდა იმათ. არც შეეძლო დაჰკვირებოდა:
 დედის სახლში ხომ მზა - მზარეული მოდიოდა
 ყველაფერი, იქ ხომ შრომა დედისა იყო, შრომის
 ნაყოფი კი ქალისა; ქმრის ხელშიაც მთლათ უზრუნ-
 ველი ცხოვრება არგუნა ბედმა, ქალს ღრმათ ვერ ჩაბნე-
 და ცხოვრებისთვის, იმისი გონება ცხოვრებას უტიე-
 ტიებდა, ცხოვრება მართა ყვაელიდან ყვაელიზე
 გადაფარულება ეგონა. დედა რომ არიგებდა, ქალი
 იმის ფიქრს გაეტაცა, როგორ მოვაწყო დარბაზიო,
 დედას ხან რასა ჰკითხავდა ამის შესახებ, ხან რასა.
 მაგდასაც მეტი რა ღონე ჰქონდა, რომ არ ერჩია ან
 ის, ან ეს.

ჯაგუს ოჯახში ახლა უფრო ხშირათ დაიწყო
 სტუმარმა სიარული. თავლი იყო და ბუზი ბაღდა-
 დიდანაც მოდიოდა. მოდიოდნენ ნაცნობები და ნაც-
 ნობების ნაცნობები. უმეტეს ნაწილათ ქალები
 ან სადილათ, ან ღოტოზე, რომელიც ვახშობა-
 ბამდინ გასტანდა ხლომე. ვაჟკაცებიც ერიევენ. ორ-
 გვარი სტუმარი ელტეოდა ნუშოს. თავის გარეთ-
 უბნელი ტოლ-ამხანაგი ნათესავეებით და ნამხანაგა-
 რი თავადიშვილის ქალები და იმათი საკადრისი სტუმ-
 რები. როცა ეს უკანასკნელები ჰყავდა მოწვეულები,
 ნუშო მაშინ იყო გამოჩენაში; პირველები მალე
 მოიშვენილა, მედიდურება დაიწყო იმათთან, ისე გა-
 მოდიოდა თითქო იმისთვის პატივობდა იმათ, რომ
 თავისი ქონება და მდღერული ცხოვრება ეჩვენებია,
 თავისი უპირატესობა ეგრძნობანებია. მართალია,
 დღიური ლუკმისათვის მშრომელი ხალხი იყო გარეთ-
 უბნელები, მაგრამ კაცური სიამაყე არ აკლდათ:
 იგრძნეს დამცირება და შემოეფანტენ. სახლიც ისე
 ჰქონდა მოწყობილი კორსიას, რომ დაბალი ხალხი-
 სათვის მდიდრული იყო, შეუფერებელი. მაღალი სა-
 ზოგადობაც არ ეტანებოდა ჯაგუს სახლს: მაინც და
 მაინც საინტერესოს არაფერსა ხედავდნენ აქ. ბოლოს
 და ბოლოს გამოირკვა ჯაგუს მიმდევარი ხალხი: ესე-
 ნი აყვენ ის ვაჭრები თავიანთ ოჯახობით, რომლებ-
 საც რამე დამოკიდებულობა ჰქონდათ კორსიასთან,
 მცირე ჯამაგირიანი მოხელეები და დაქვეითებული
 კეთილშობილობა, რომლებსაც ჯაგუს სახლის სი-
 უხვე იზიდიდა. კეთილშობილებშივე რაცხდა თავს
 ჯაგუს ხშირი სტუმარი რეზიკო, რომელიც არცა

ჰხნავდა, არცა თესავდა, ცხოვრებდა სიამით, რო-
 გორც ფრინველი ცისა.

ჯაგუს ვაჭრობა უწინდებურათ იყო გაჩაღე-
 ბული, ფული ჩეჩქიეთ მოდიოდა და ამისთანა ხარ-
 ჯები იმის ქონებას ვერ შეარყევდა, თუმცა შეუყე-
 ნებულ ზდას უშლიდა; ის კი იყო ძნელი, რომ სა-
 ჭიროება მოითხოვდა მასპინძელს თათონაც მიეღო
 მონაწილეობა შექცევებში; ეს კი არ უხდებოდა ვაჭ-
 რობას, რომელიც მთლათ ჯაგუს მხნეობაზე და სი-
 მარჯვეზე იყო ავებული. მიიწურა შემოდგომა და
 ეს უხერხულობაც მოშორდა: ზამთარში მუშტარი
 კლებულობდა, ბერი თავისუფალი დრო რჩებოდა.
 ჯაგუ მდიდრულ ცხოვრების ტბაში შეცურდა და
 განცხრომის ტალღებს მიენდო; საბძელი ეწოდა და
 ხელს ითბობდა.

XI.

ჯაგუ ბედნიერათ ჩათელიდა თავს, რომ ერთი
 დარდი არა ჰქონოდა: აგერ მეორე წელიწადი თავ-
 დება, რაც ჯვარი დაეწერა, შეილი კი არა ჰყავდა.

— ცოლი უშვილო გამოდგა. ჩემ შემდეგ ჩემი
 სახელი ვაჭრება, კერა ჩამიქრება. რათ მინდა სიმ-
 დიდრე ან მაინც და მაინც რისთვის ვიწვალო? ჩემ
 შემდეგ ვინ იცის ვინ გაიხარებს ჩემ მონაგარზეო,—
 წუხდა ჯაგუ.

სამწუხაროც იყო. შეილიერება შეუღლების
 დაგვირგვინება: შეილი განხორციელებული ერთო-
 ბაა ცოლ-ქმრისა, რადგან იმის პიროვნებაში მშობ-
 ლების ორი არსება ერთ არსებათა ხდებდა. ერთ გვა-
 მათ მოივლინება, ერთდებდა, როგორც დასკვნაში ორი-
 ეე დასასკვნელათ წამძღვარებული აზრი. შეუღლება
 უნაყოფოთ თავის მიზანსა ჰკარგავს, ბუნებისაგან შე-
 უწყნარებელი რჩება, ენების დასაცხრომელ საშუა-
 ლებათ-ლა რჩება. ნაციონალური აზრის წინ ხომ
 მთლათ გათახსირებულია ესეთი შეუღლება: ხალხის
 თვით არსებობისა და დამოუკიდებელი ცხოვრებისა-
 თვის ბძოლაში გამრავლებას და, მაშასადამე გაძლი-
 ერებას, დიდი ადგილი უჭირავს, უშვილოების კავში-
 რი კი არამც თუ არ ეხმარება ამ გამრავლებას, ხელ-
 საც უშლის, რადგან თუ ქალია უშვილო, იმასთან
 ქმარია მომცდარი და თუ კაცი — იმასთან ცო-
 ლი. ეს არის მიზეზი, რომ ყველა ნაციონა-
 ლური რელიგია უშვილობას უმთავრეს მიზეზათ
 თვლის ცოლ-ქმრის გაყრისას. ქრისტიანობას ქორ-
 წინებისათვის საფუძვლათ მართა სიყვარული დაუდ-
 ვია, სიყვარული სიყვარულისათვის, ისეთი სიყვარუ-
 ლი, რომელსაც სხვა არაფერი გარემოება არა აქვს
 სახეში, რომელიც ყველა სხვა გარემოებას მეორე

ხარისხიანათა თელის. ესეთმა განყენებულმა სიყვარულმა ისე მჭარდოთ უნდა შეაერთოს ორი სული, რომ ერთ პიროვნებათ გახადოს; ერთი არსების ვაკეცთა კი შეუძლებელია. ქრისტიანობაც მართო ვარემოებისათვის ვაპყრის ცოლ-ქმარს, ესე იგი, როცა დარწმუნდება, რომ კაცშირი სიყვარულზე არა ყოფილა დამყარებული, რადგან მრუშობა იქ იწყება, საცა სიყვარული თავდება, მრუშობას იქა აქვს ადგილი, საიდანაც სიყვარულის ავგელოზი გაფრენილა. ესეთი შეხედულება მეუღლეობაზე ყველა ქმრისაგან ტარიელობას თხოულობს და ყველა ცოლისაგან ნესტან-დარეჯნობას.

ჯაგუ ამ სიმაღლეს ვერ შეწდომოდა, ტარიელი არ იყო ის,—განა ბევრია ამ შემთხვევაში ტარიელი?—და თუმცა მეტათ უყვარდა ცოლი მაინც ცხოვრების მზრითაც უყურებდა საქმეს: გულით უნდოდა ჩამომავალი ჰყოლოდა და წუნდა, განგებას უწყობდა. მაგრამ ჩქარობდა ჯაგუ და ტუყილათ ემდურებოდა ყისმათს: ბედის ჩარხი ჯერ იმისკენ ბრუნავდა. ავერ რამდენიმე ხანი იყო ნუშო ნიშნებს ატყობდა, რომ დედობა მოელოდა; ქმარს კი არას ეუბნებოდა, რადგან წინათაც რამდენჯერმე ეგონათ ასე და იმედი გაუცრუვდათ. ეტყობოდა კი ქალს ცვლილება: ხან სახე თიბოდა, ხან მოუსვენრობა ემჩნეოდა; თვალები ითითქო უფრო კილოიანი, ბუნდოვანი და ნამიანი გაუხდენ, ორ აზროვანი, საიდუმლო გამომეტყველება მიიღეს. ცოლი უფრო და უფრო ვალერსებოდა ქმარს. ჯაგუ ყოველთვის ყურადღებას აქცევდა, რა გუნებაზე ჰყავდა მეუღლე; ახლა ატყობდა აღლელებას, ატყობდა, რომ რაღაცა ჰქონდა სათქმელი. უთუთოთ რამე დიდი ხარჯი მოუნდომებია და მესათრებოდა; გააფიქრა ჯაგუმ, ჩაეკითხა, ქალი დარცხენით მოუახლოვდა ქმარს, მიეკრა და ყურში ჩასწორჩულა თავის საიდუმლო. კორსაი სიხარულით ცას ეწია, გულში ჩაიკრა, კოცნით აგრძნობინა თავისი აღტაცება, მადლობა. ამის შემდეგ ნუშო ნამდვილი სალოცავი გახდა თავის ქმრისა. ეგონა ახლა ყველაფერი აწებდა იმის მეუღლეს, ცდილობდა სიო არ მიდენოდა. ქალიც უფრო განაზნა, გაითზლიშა; დიდი აზიზობის ნიშნათ ენასაც კი უკიდებდა ხანდისხან, ქართულს გრეხავდა, ასხეფვრებდა.

— დჯაგო, დუშკა დჯაგო! წადი ასტადიურიანთან, უთხარ ატკრიტი ტუფლები შემეიკროს, ზომა იცის.

— ქალო, ვინ ასტადიურიანთან? ჩენ პოლოზ ასატურიანცთან?

— ჰო, უთხარ ზომაზე ცოტა ვიწრო დაიჭიროს. ჯაგუ გარბოდა გამოჩენილ ხარაზთან, თუმცა ჯერ ორი კვირა არ იყო, რაც თორმეტ მანეთიანი ფხს-სმელი მოეტანა იქიდან.

გავიდა დრო. რაც ხანი გადიოდა, იმდენათ ქალს სიზარმაცე ემატებოდა, უცნაური სურვილები ეშლებოდა, ავზნევედებოდა, ექიმი და ბებია გაუწყვეტლივ ადევნებდნენ თვალს ფხ-მძიმეს, არიგებდნენ ქმარს არაფერი ეწყვინებია, ყველაფერი ავსრულებინა, რასაც კი თხოვდა, მაგრამ მაინც დღე არ გადიოდა ისე,

რომ რაზნდმე არ გაჯავრებულყო ქალი. მოახლოვდა დრო. ქალი სამზადისმა ეარტაცა. რა საცვალი, რა საურები, რა პაწია საბნები, პერანგები, არაღიხნები, სახვევები, სულ რბილი და ძვირფასი საქონლისა, სულ წმინდა არშიებით და ბაბთებით მორთული. ხომ პაწაწინა ნივთები იყო, მაგრამ ერთ ოჯახს წელიწადს ეყოფოდა, რაც იმათში ფული ჩაილუპა. თითონ ფარჩა რაც ღირდა ღირდა, მკერელის ხელ-ფასი უფრო აჭირებდა საქმეს.

— იყიდე; საყვარელო, მოამზადე! დეე, ყველაფერი იყოს სახლში, ეუბნებოდა ჯაგუ, რადგან ხედავდა ეს ფაცი-ფუცი ართობდა ქალს.

რაც უფრო დრო იწურებოდა, იმდენი ავდებოდა ქალი. ნუშო მაინც და მაინც ბორბოტი აღმაინი არ იყო ბუნებით, მხოლოთ აღტატი ხასიათი და იჭირა და მედიდურობით იყო გატაცებული; ესნა კი მთლათ გააზრდა. ერთი უბრალო მიზეზი კმაროდა, რომ პირში სცემოდა ქმარს. აღარც იმისი სიარული და მიხერა-ძოხერა მოწონდა, აღარც იმისი ჩაცმა-დახურვა, სუნთქვაც კი სხეანიირი უნდა ესწავლა, ცოლისთვის რომ ყური ეგდო. დღე ისე არ გავიდოდა რამდენჯერმე არ ეჩნებოდა. მსახურები ხომ დალაულები იყვენ იმის ტუქსით, ჯაგუმ იცოდა, რომ ყველა ეს დროებით მოეღენა იყო, რომ ეს ყველაფერი გუნებნაქცეობის მიზეზი იყო და ითმენდა, ან როგორმე იგერებდა ცოლს.

მეუღლე რომ ეკაპუნებოდა ჯაგუს, იმას სულ ერთი ამბავი ავანდებოდა, რომელიც ძალიან ჩაქდებოდა ტვინში: ერთხელ თავის ბაჭონმა ნათლუხში გაგზავნა ის. წვიმდა. ქუჩებს რომ გაცდა და ბაღს მიუახლოვდა, წინ რამდენიმე სოფლეელი კაცი შეხვდა, გიჟი მოჰყვანდათ. ხელები უკან გაეკრათ გიჟისათვის, თოკის წვერი ერთისთვის მიეცათ და წინ გამოეგდათ. გლეხს ერთ ხელში რომ სოკი ეჭირა, მეორე ხელით კომბალი აელო. სხვები უკან მოდევდნენ. გიჟი ხტომით მოდიოდა, შიშველა ფეხებს ტალახში აჰყავუნებდა, თანაც ყოველ წუთს ცდილობდა მიეარდნოდა იმას, რომელსაც მოჰყვანდა; ის კიდევ კომბლით იგერებდა: ავითმყოფს რამდენსამე ადგილას განთქოდა კანი და სასწლი ჩამოდიოდა. ჯაგუ ალერსით და ფულით აშოშმინებდა და იგერებდა ამრეზილ ცოლს. სხვა რა უნდა ექნა? მაინც კი ბევრი მოთმინება ჭირდებოდა. არც თუ ისე ძნელი იყო იმისთვის მოთმინა: კაცს ჯოჯოხეთის ტანჯვის ატანა შეუძლიან, თუ იცის რომ ტანჯვას სიამავენება მოადევს, ჯაგუსათვის კი შვილი ბედნიერება იყო.

კ. ბაზნოვი.

(შემდეგი იქნება)



ჭელაქტორ-გამომცემელი ან. თ.-წყნეთლის.

თფილისის ქალაქის გაბგეობა

ამით აცნობებს ქ. თფილისში უძრავ ქონებათა პატრონებს, რომ ამ 1896 წლის 15 აპრილისათვის მის მიერ შედგენილია გასანაწილებელი სია უძრავ-ქონებათა გადასახადის გაწერის თაობაზე. ეს გადასახადი დაწესებულია სახელმწიფო საბჭოს 1893 წლის 27 დეკემბრის უმაღლესათ დამტკიცებულის აზრის თანახმად.

1896 წლის გადასახად ჯამს შეადგენს 68,529 მან. და 52 კ. და გადასახადის აკრეფის ხარჯათ თფილისის ქალაქის საბჭოს მიერ დამტკიცებულია 2,800 მ., რო-
ნიც, თანახმად მიწებზე დაწესებულ გადასახადის დებულების მე-13 მუხლისა, უნდა გამოერთკათ მამულის პატრონი, რომელთაც გადასახადი აქვთ გაწე-
რილი.

1896 წ. დასაფასებელ სიაში შეტანილ ქ. თფილისის უძრავ მამულების ღირებულება, იმ საფუძველით, რა საფუძველითაც ქალაქის მამულები დაფასებულია, გადაწვეტილია 37,116,990 მან. (მეტი შედარებით 1895 წ. 961,275 მან.), მა-
შასადამე ამ გადასახადის რაოდენობა იქნება:

დასაფასე- ბელი ვაჰი.	ასალი გადა- სახადი.		გადასახადის აკრეფის ხარჯი.		ს უ ლ.		დასაფასე- ბელი ვაჰი.	ასალი გადა- სახადი		გადასახადის აკრეფის ხარჯი.		ს უ ლ.	
	მან.	კაპ.	მან.	კაპ.	მან.	კაპ.		მან.	კაპ.	მან.	კაპ.	მან.	კაპ.
100,000	184	64	7	55	192	19	700	1	29	—	05	1	34
80,000	147	71	6	04	153	75	500	—	92	—	04	—	96
50,000	92	32	3	78	96	10	300	—	55	—	02	—	57
30,000	55	39	2	27	57	66	100	—	18	—	01	—	19
15,000	27	69	1	14	28	83	80	—	15	—	01	—	16
10,000	18	46	—	76	19	22	50	—	09	—	—	—	09
8,000	14	77	—	60	15	37	40	—	07	—	—	—	07
6,000	11	08	—	45	11	53	30	—	06	—	—	—	06
4,000	7	39	—	30	7	69	10	—	02	—	—	—	02
2,000	3	69	—	15	3	84	9	—	02	—	—	—	02
1,000	1	85	—	08	1	93	5	—	01	—	—	—	01
900	1	66	—	07	1	73	3	—	01	—	—	—	01

მაგალითი. ამ გვართ, 8745 მან. დაფასებულს მამულს გაეწერება გადასახადი—16 მან. 14 კაპ.
(8000 მან.—14 მან. 77 კ., 700 მან.—1 მ. 29 კ., 40 მან.—07 კ. და 5 მან.—01 კაპ. სულ 16 მან.

14 კაბ.) და გადასახადის აკრეფის ხარჯი—65 კ. (60 კ.+05 კ.=65 კ.); 56,538 მან. დაფასებულს მამულს—სახელმწიფო ხარჯი 104 მან. 39 კ., (92 მან. 32 კ.+11 მან. 8 კ.+92 კ.+06 კ.+01 კ.=104 მან. 39 კ.) და გადასახადის აკრეფის ხარჯი—4 მან. 27 კ. (3 მ. 78 კ.+45 კ.+04 კ.=4 მან. 27 კ.) ე. ი. ახალი გადასახადი ერთათ გადასახადის აკრეფის ხარჯით ნაკლებია ქალაქის დასაფასებელ გადასახადზე თითქმის $\frac{1}{4}$ -ლით.

ღარჩენილი გარდასახადის გარდახდევინება 1888, 1890 და 1891 წწ., რომელიც ნაწილ-ნაწილათ უნდა იქმნას გარდახდილი ხუთის წლის განმავლობაში, წელსაც გამოერთმევა $\frac{1}{5}$ ნაწილი.

უძრავ მამულების ახალ გადასახადს შორის ის განსხვავება არის, რომ ახალი გადასახადი არ გაეწერება:

1) იმ ქალაქის განაპირა მყოფ ცარიელ მიწებს, რომელიც არავითარ შემოსავალს არ იძლევა (მიმართულება იმ მიწისა, რომელიც ქ. თფილისის შუა ადგილებსა ჰყოფს ქალაქის ნაპირა მიწებისაგან, ნაჩვენებია დაწერილებით 1889 წ. გაზეთ „კავკაზის“ 114 №-ში).

2) იმ მცირე ფასიან მამულებს, რომელსაც გადასახადი 25 კაბ. ნაკლები შეხედება (განაწილებულ სიით სულ უმცირესი ფასი ცალკე მამულისა ამ 1896 წ. 140 მან.)

3) სახელმწიფო მამულებს.

უფრო დაწერილებით ცნობის შეტყობა შეიძლება ქალაქის გამგეობაში, სადაც ერთის თვის განმავლობაში განცხადების დაბეჭდიდან გაზ. „კავკაზში“ მიღებული იქნება თხოვნა იმ მემამულეთაგან, რომელნიც ასეთის განაწილებით კმაყოფილნი არ არიან.

ვადის ერთის თვის გასვლის შემდეგ ქალაქის გამგეობა განაწილებულს სიას წარუდგენს ქალაქის საბჭოს და აგრეთვე უძრავ-ქონებათა პატრონთა თხოვნას გადასახადის შესახებ და გამგეობის პასუხს. დამტკიცდება თუ არა განაწილებული სია საბჭოსაგან, ქალაქის გამგეობა დაუყოვნებლივ დაუბრუნებს უძრავ-ქონებათა პატრონებს ფურცელთ, რომელშიაც საბოლოოთ იქნება აღნიშნული, თუ რომელს ქონებას რა გადასახადი გაეწერა.



გურიის საეპიკო-სამრეწველო ამხანაგობის გამოვიდა და ისყიდება ქართულ წიგნების მალაზიებში „შ უ ა მ მ ვ ა ლ ი“-ს გამგეობა აცხადებს: ამხანაგობამ უკვე დაიწყო თავისი მოქმედება და ამიტომ თხოვს თავის წევრებს, რომლებსაც სრულიათ არ შემოუტანიათ საწევრო ფული, კეთილ ინებონ მისი შევსება.

„ქართული გოტიკური ანბანი“

გამოცემული ს. ტარუაშვილის მიერ.

ფასი ერთი შაური.

(3—3)

